

論

語

經

正

錄

論語經正錄

淡澤 王肇晉 學

男 用誥 述

顏淵第十二

顏淵問仁子曰克己復禮爲仁一日克己復禮天下歸仁焉爲仁由己而由人乎哉顏淵曰請問其目子曰非禮勿視非禮勿聽非禮勿言非禮勿動顏淵曰回雖不敏請事斯語矣

朱子語類

可學錄

克己復禮如通溝渠壅塞仁乃水流

也

又

若海錄

克己復禮如火烈烈則莫我敢遏

又

可學錄

一於禮之謂仁仁在內爲人欲所蔽如一重

臆遽克己私復禮乃見仁仁禮非二物

又錄學蒙問克己之私有三氣稟耳目鼻口之欲及人

我是也不知何是夫子所指者曰三者皆在內然非  
禮勿視聽言動則耳目口鼻之欲較多問克者勝也  
不如訓治較穩曰治字緩如捱得一分亦是治捱得  
二分亦是治勝便是打疊殺之

又錄問克己是就發動處克必因有動而後天理

人欲之幾始分方知所洩擇而用力也曰發時固用  
克未發時亦須致其精明如烈火之不可犯始得

又錄問人欲則易見恐自爲天理處卻是人欲所以

爲難曰且從易見者克己又理會難見者今且將義  
利分一界限緊緊從義邊來其閒細碎功夫又一

面理會

又

植錄

人祇有天理人欲兩途不是天理便是人欲卽

垂不屬天理又不屬人欲之一節且如坐如尸是天  
理跛倚是人欲克去跛倚而未能如尸卽是克得未  
盡非未能如尸之時不繫人欲也須是立一界限將  
未能復禮時者都作人欲斷定又曰禮是己本有者  
所以說復不是待克己後方去復禮克得一分人欲  
便復得此一分天理問所以謂禮而不謂之理者莫  
是禮便是實有準則著實處曰祇說理卻空去矣禮  
是天理之節文教人有準則處

又

必大錄

克己復禮所以言禮者謂有規矩則防範自

嚴更不透漏

又不知何氏錄

克己私固即能復天理非克己後便都

喪事惟是克己私矣恰好著精細功夫故必又復禮方是仁聖人不祇說克己爲仁須說克己復禮爲

仁見得禮便事事有自然之規矩準則

又錄

賀孫

固是一克己便是禮然亦有但知克己而不

能復於禮故聖人對說在此須復禮度幾不失其則佛家儘有能克己者謂之喪己私可也然不曾復得禮也聖人之教所以以復禮爲主

用誥謹案克己則禮自復語本明道程子朱子始從之而後乃詳辨之蓋論理欲消長之機去一分己方復一分禮必克己之至而後爲復禮之盡謂克己則禮自復固喪不可若

學者用功專言克己而不言復禮則流弊滋大故朱子作克齋記云克己者所以復禮非克己之外別有所謂復禮之功自謂說得太悞又謂明道云克己則私心去自能復禮雖不學禮文而禮意已得亦說得太高明季諸儒多主克己則禮自復之說亦樂其直截旨

又賀孫錄

一日存此心則一日有此德一日克己復禮

天下歸仁非略用功夫便一日能如此須是積功夫到此

又高錄

真能一日克己復禮則天下有歸仁之理亦如

在家無怨在邦無怨意思在家無怨一家歸其仁在邦無怨一邦歸其仁告仲弓止於邦家顏子體段如

此便以其極處告之

又

諱錄

解釋經義須是實歷其事方見著實如反身而

誠樂算大焉所謂誠者必實能盡此理仁義禮智  
一豪欠闕如何不樂既慙實得樂自何而生天下歸  
仁之義亦類此既能克己復禮豈更有人以不仁見  
侮之理

又

浩錄

聖人說語甚實不佗空談故伊川說天下歸仁

祇佗天下之人以仁與之此是微言惟顏子足以當  
之

又

明錄

非禮勿視說文謂勿字似旗腳此旗一麾三

軍盡退功夫祇在勿字纔見非禮來則以勿字禁止  
之纔禁止便克己纔克己便能復禮

又

不知何氏錄

目不視邪色耳不聽淫聲此類功夫易視

遠惟明纔不遠便是不明聽德惟聰纔非德便是  
不聰此類功夫卻難視聽言動有少不循道理處便是

非禮

又

錄

心術閒微有非禮處亦須淨盡截斷顏子力量

大聖人教其索性克去譬如賊來顏子是進步與之  
殺教仲弓以敬恕是教其堅壁清野截斷路頭不令  
賊來問克己復禮乾道也主敬行恕坤道也乾道是  
健洩意坤道是塙守意曰亦祇是一理聖人教人因  
其資之高下故不同要之用工成德則一耳

朱子論語或問或問克之爲勝何也曰楊子固曰勝  
己之私之謂克矣而此書之說自劉炫發之其說曰



克勝也己身也身有嗜慾當以禮儀齊之嗜慾與禮儀戰使禮儀勝其嗜慾身得復歸於禮如是乃爲仁也復反也言情爲嗜慾所迫已離禮而更歸復之也克己復禮謂能勝去嗜慾反復於禮也炫言如此雖若有未瑩者然章句之學及此者亦已鮮矣曰顏淵問仁而夫子告之以此何也曰人受天地之中以生而仁義禮智之性具於其心仁雖專主於愛而實爲心體之全德禮則專主於敬而心之所以爲規矩者也然人有是身則目目口體之間不能喪私欲之累以違於禮而害夫仁人而不仁則自其一身算適爲主而事物之間顛倒錯亂益喪所不至矣此聖門之學所以汲汲於求仁而顏子之問夫子特以克己復

禮告之蓋欲其克公有己之私欲而復於規矩之本然則夫本心之全德將不離乎此而喪不盡也然人但忠於不爲耳誠能一旦用力於此則本心之全德在我而天下之善將喪不出是而出天下雖大亦孰有不與其仁者乎然己者人欲之私也禮者天理之公也一心之中二者不容竝立而其相去之閒不能以豪髮出乎此則入乎彼出於彼則入於此矣是其克與不克復與不復如手反復如臂屈伸誠欲爲之其機固亦在我而已夫豈它人之所以得與哉顏子之質幾於聖人故其問仁夫子告之爲獨要切而詳盡耳曰然則顏子請問其目而夫子告以四勿之云何也曰顏子問夫子克己復禮之言蓋已洞然默識

仁之爲體矣然夫子所謂克己復禮者必有條目而後可以從事於其閒也故復問以審之而夫子復以此告之也蓋禮爲心之規矩而其用喪所不在以身而言則視聽言動四者足以該之矣四者之閒由麤而精由小而大所當爲者皆禮也所不當爲者皆非禮也禮卽天之理也非禮則己之私也於是四者謹而察之知其非禮則勿以止焉則是克己之私而復於禮矣且非禮而勿視聽者防其自外入而動於內者也非禮而勿言動者謹其自內出而接於外者也內外交進爲仁之功不遺餘力矣顏子於是請事斯語而力行之所以三月不違而卒進乎聖人之域也然飮味聖言以求顏子之所用力其幾特在勿與不

勿之閒而已自是而反則爲天理自是而流則爲人欲自是而克念則爲聖自是而罔念則爲狂特豪忽之閒耳學者可不謹其所操哉

朱子文集

荅連嵩卿

天下歸仁孰攷經文及程氏說祇謂

天下之人以仁歸之與呂氏贊不同蓋事事合理則人莫不脩其仁如宗族稱孝鄉黨稱弟之比若有豪髮之私畱於習中則見乎外者必有所不可掩矣人亦必以其實而稱之又何歸仁之有

又

荅潘叔昌

學者先須置身於恣度規矩中使持於此者

足以勝乎彼則自然有進步處如孔子之告顏淵以非禮勿視聽言動爲克己之目亦可見矣若自垂拱足之地而欲拔羅拔剔於患慮隱微之中以求所謂

人欲之難克者而克之則亦代翁代張沒世窮年而不能有以立矣

又

荅陳明仲

克己之目不及思竊謂洪範五事以思爲主

蓋不可見而行乎四者之間也然操存之漸必自其可見者而爲之恣則切近明白而易以持守故五事之次思最在後而夫子於此亦徧舉四勿而不及夫思焉蓋欲學者循其可見易守之恣以養其不可見不可繫之心也至於久而不懈則裏裏如一而私意盡所容矣程子四箴意正如此

又

荅石子重

視聽與見聞不同聲色接於耳目見聞也視

聽則耳目從乎聲色矣不論心受與不受也

許白雲曰此章全以禮字代仁字蓋仁以理言恐難

捉搦體認故以天理節文之禮爲言仁卽天理之公  
禮卽天理之節文本非二物也身之接於物者事事  
合乎節文而无一豪私僞卽是人欲淨盡天理流行  
卽爲全體之仁

羅整菴曰顏子克己復禮殆未易言蓋其於所謂禮  
者見得已極分明所謂如有所立卓爾也惟是有我  
之私猶有纖豪消融未盡消融盡卽渾然與理爲一  
矣若天資學力公此甚遠但能如謝上蔡所言從性  
偏難克處克將去卽是日用閒切實功夫

又曰格物致知學之始也克己復禮學之終也仁本  
人所固有而人不能體之爲一者蓋物我相形則惟  
知有我日有我之私日勝於是違道日遠物格則喪

物惟理之是見已克則喪我惟理之是由沛然天理之流行此其所以爲仁也

孫夏峰曰禮者大中至正萬物各得其理之謂立定一主宰不於喪聲喪形中間本體而於有條有理者見本原也克已在心初起念時用功說禮不說理者用功不得離顯然之條理也

王船山曰集注復反也反猶撥亂反正之反慶源謂猶歸也非是春秋穀梁傳云歸者順辭也易辭也其言復歸則難辭矣於此不審聖功喪據蓋將以復禮爲順易之辭則必但有克己之功而復禮喪事一克已卽歸於禮矣夫謂克己復禮功夫相爲互成而喪待改轍則可卽謂己不克則禮不復故復禮者必資

克己亦猶之可也若云克己便能復禮克己之外喪別復禮之功則悖道甚矣可云不克己則禮不可復亦可云不復禮則己不可克若漫不知復禮之功祇猛求己克之則何者爲己何者爲非己直是不得分明如匡章出妻屏子子路結纓而歿到妻子之恩生歿之際亦拼得斬截則又何私欲之難克而詎可許之復禮邪佛氏亦祇墮此一路直到勦絕命根煩惱斷盡而本喪禮以爲之則則或己或非己之際嫌不別微不明喪典荆喪秩敘將一切與己相干涉之天理都猜作妄若聖學之所謂克己復禮者眞妄分明恣則不遠自喪此病也然則復禮之功何如精嚴何如廣大而可云己之既克便自然順易以歸於禮乎



精而言之禮之未復卽爲己私實而來之己之旣克未卽爲禮必將天所授我目目心思之則復將轉來豪不虧欠斯有一現成具足之天理昭然不昧於吾心以統眾理而應萬事若其與此不合者便是非禮便可判斷但己而無疑於克故曰非禮勿視云云聖人扼要下四非禮字不更言己卽此可知

李厚菴曰仁之所以爲仁者心存而理得之謂也心存則一元之善於此在理得則大公之道於此行此仁之成德然也禮由仁而生故由禮可以至仁敬者禮之本也主乎敬則心存矣節文者禮之用也合乎節文則理得矣此復禮所以爲爲仁之要也然人所以不能復禮者形骸爲之累也爲氣所拘則昏爲物

所引則馳必也勝怠以撤其昏然後敬立而禮之本  
可得必也勝欲以止其馳然後義形而禮之用可修  
此克己所以又爲復禮之端也

彭魯岡曰己者非禮之己也非禮不止是欲喪欲之  
視聽言動而稍不恰當卽爲非禮故必克去非禮之  
己然後純乎天則而天下得仁焉

陸稼書曰克己一己字生於氣質成於習染爲意必  
固我爲克伐怨欲入於視聽言動則爲非禮入於喜  
怒哀樂則爲乖戾入於子臣弟友仕止久速禮樂刑  
政到處成病痛雖各有輕重淺深分數之不同然有  
一分便障一分義理書之所謂人心惟危聖人江漢  
以濯秋陽以暴祇是能將此己去得淨盡無處容留

自聖人以下皆以此己未留之分數爲人品之高下  
又曰克己是行之功夫顏子平日知之功夫大略已  
盡此處祇重在行集注所謂至明至健是總顏子并  
後說此章正所謂約之以禮

楊賓實曰克己謂省察而克治之也於日用閒尋常  
言行提撕照管屬敬一過乃涵養之事至義利善惡  
之介精察力行屬戰一過乃踐履之事

陳安卿曰一日克己復禮當時顏子分上克己業過  
大半所以夫子有一日之說在顏子剛勇一日亦眞  
足承當若學者功夫未曾一二而輒欲試一日之效  
安能頓然徹底淨盡

曹月川曰日日克之不以爲難則私欲淨盡滿腔子

都是天地生物之心而日用之間莫非此心發見之實程子曰非禮處便是私意既是私意如何得仁須是克盡己私皆歸於禮方始是仁

胡敬齋曰或問顏子克己復禮何以天下皆歸其仁曰物我一理人已一性皆自一本中來故血脈相通氣類相應自然而然易曰天下何患何慮天下同歸而殊塗一致而百慮鶴鳴子和皆此意也如此則聖人爲治之道可知區區智計之私自不容矣

蔡虛齋曰仁者天下人心之所同能克復以全吾仁則是人心之所同者我先得之矣天下安得不翕然歸吾仁哉此與盛德至善民不能忘相似皆實理也魏庸齋曰萬物皆備故天下歸仁

王船山曰經云一日克己復禮非云一日己克禮復克己復禮如何得有倒斷因以言其動物之可必故爲之辭曰一日耳乃天下歸仁亦非圖其一番贊歎偃休特在本原上做功夫偃終身亦祇依此做去別無它法故可歸功於一日若天下歸仁之盡境則亦必其克己復禮之功無有止息而施爲次第時措咸宜然後天理流行人心各得也天下歸仁不可以一日爲效之極克己復禮其可以一日爲德之成乎所以朱子又補曰日克之不以爲難一段以見天下歸仁非功成息肩之地而一日之非爲止境

金仁山曰案呂氏克己銘曰及旣克之皇皇四達洞然八荒皆在我闔馭曰天下不歸吾仁痒癢疾痛齊

切吾身游氏謝氏之意類此朱子以爲不然謂如此則是在想天下歸仁不須克己祇坐想終一日便自天下歸仁矣豈有此理且己有二項有物我之己有私欲之己呂氏祇說得物我之己游氏亦祇以克己復禮爲想象如此與下文非禮勿視聽言動略無干涉視聽言動屬行諸公都從知上說不從行上說又曰一日眞能克己復禮則事事皆是天下之人間之見之安得不與其爲仁也朱子之言如此則克己復禮皆是實事天下歸仁皆是實說

用話謹案以歸仁爲萬物歸懷近儒猶多從是說者金氏宗朱子詳辨如此學者所宜深玩

袁蒙齋甫曰克己復禮大綱也又有條目焉夫子舉視聽言動四者告之蓋四者卽己內事也然微有非禮則是爲己所蔽也夫惟非禮勿視聽言動喪斯須頃刻不在禮中則是耳目鼻口心知百體皆由順正以行至此尙何己之足累哉

葉知道曰目者一身之照鑒五行精華之所聚於心尤切目動心必隨心動目必注心之虛靈千變萬化欲加檢防先以視爲則

高景逸曰顏子沈潛細密知己之蟠梏固漏竇多正在節目細微點滴不漏方得梏株永拔夫子告以非禮勿視聽言動是禮在視聽言動之先與視聽言動爲一非此卽勿之非簡檢於視聽言動之謂也大綱

上克己手勢重細日上復禮功夫密綱如閒棚目如  
守成顏子得視聽言動之說便刻刻有事矣故曰請  
事斯語

焦廣期曰視聽言動乃人心用事之會故易流於私  
欲必隨其感物而動處審察幾微而克治之以復於  
禮所謂道心爲主人心退聽

朱止泉

澤溪

曰非禮勿視聽言動是爲仁緊要處固

乾道也坤道亦然違悖之視聽言動人所共知者泛  
泛之視聽言動心理不相管攝亦非禮也須是終日  
終夜喪泛泛之視聽言動鎖如喬嶽防如關津然後  
主宰分明喪視聽言動不相管攝處微哉知之止之  
其亦難矣



彭魯岡曰四勿之學遂念省察歟曰爲仁之勇如顏子自有拔本塞源之功不遠復省察亦所不廢劉直齋曰程子四勿箴切而詳矣要知仁統四德然成仁功夫卻在義禮智四非字卽智四禮字是禮四勿字卽義三者備焉而後仁在中流行而不息又曰視聽言動兼大小俱在內所謂忠恕敬恕四勿內已該盡小處用敬以直內功夫大處用義以方外功夫敬以直內是培養本原之事忠也義以方外是推心及物之事恕也

又曰向嘗謂非禮勿視四句須先有未發時主敬功夫在焉不知聖賢培養未發祇於日用小事檢察便透入不睹不聞不言不動一層別喪靜中涵養之涵

合九思四勿三賢觀之便見此三章皆就已發處言而所以培養未發者已在其內故功夫分動靜不如分敬義爲渾成也

張楊園曰或疑非禮勿視聽言動夫子以告顏子而朱子以入小學豈小子事乎曰此是徹上徹下語顏子有顏子之非禮勿視聽言動小子有小子之非禮勿視聽言動正如居處恭執事敬與人忠就聖人分上說不過如此就初學分上說亦不過如此經書中言多有此故曰聖人之言猶天地也

又曰非禮勿視聽言動純猷後卽上達天德故曰禮者不可不學也

金仁山曰自古聖賢相傳至夫子教人爲學則曰爲

仁然而仁爲何理孔門初喪明言狩人未有正訓蓋古者義理素明不待訓說自制文字之初此理已分明仁字從人從二古篆凡重字則於本字之下從二仁字從人而旁從二是人人字言人之所以爲人也又科斗古文仁從人一心或作干心謂仁卽人一心之理干人所共之心也故孔門論學但曰爲仁集注所謂全其心之德也至子思孟子時異端之言仁者漸差故子思孟子正言其名義子思曰仁者人也孟子曰仁人心也又曰仁也者人也合而言之道也又來異端日多義理日晦諸儒不察夏喪定論韓子獨以博愛名仁程子非之以爲仁是性愛是情然亦以

爲仁無正訓言變言覺皆非也但合孔孟言仁處觀之一二歲得之未晚如曰公而以人體之則爲仁又曰四德之元猶五常之仁偏言則一事專言則包四者仁之正訓可謂引而不發躍如也至朱子言之始明備曰仁者天地生物之心而人得之以爲心者也此卽程子所謂四德之元也孟子所謂仁人心也曰仁者心之德愛之理心之德者專言之也愛之理者又偏言之也而此章正名之曰心之全德可謂盡矣凡集注言仁帶及人處則曰心之德愛之理獨說心處與爲學處則曰心之全德曰心德之全是於專言偏言處又分別明辨矣然此章帶禮說孟子對義說又兼四性說程子又兼五常說學者不可不思蓋心

之全德天理渾然其中自是盡所不備聖賢切於明  
道教人故就中又指出其閒體段子目以此仁之中  
又自有裁制各當處謂之義又各有節文處謂之禮  
藏在中而有分辨謂之智盡非著實謂之信既備諸  
體段故見諸發見謂之四端五常而不害其爲仁之  
渾然也而語錄又有梅仁杏仁之喻人之心德謂之  
仁故梅杏之心亦謂之仁正取此義古人旣以人心  
之仁名梅杏之仁學者試以梅杏之仁反觀吾心之  
仁梅杏有此仁故種之卽生人心有此仁故感之卽  
動而愛然梅杏之仁種之而生生而長長而花花而  
實如此則梅杏仁中專是生之性已具此長成收藏  
之性在其中矣使仁之中不具此生長收藏之性則

何以生之後有幹枝花實長成收藏之節哉又梅杏之實有此仁是元初之種有此仁故生而爲梅杏之實豈不有此仁此所謂天地生物之心而人得之以爲心者論仁者至朱子人心全德之訓可謂明備今推明會粹其說以俟學者

仲弓問仁子曰出門如見大賓使民如承大祭己所不欲勿施於人在邦喪怨在家喪怨仲弓曰廬雖不敝請事斯語矣

朱子語類

錄

己所不欲勿施於人緊接出門使民在

邦喪怨在家喪怨緊接己所不欲勿施於人直到此道理方透徹似一片水流注出到此方住中間閒斷不得效驗到此處方是做得透徹充足飽滿極道體

之全而喪虧欠

又時舉錄

己所不欲勿施於人功夫在出門如見大賓

使民如承大祭須先主於敬然後能行其恕問未出門使民之將要有功夫否曰未出門使民時祇是如此惟是出門使民時易得禿失故愈著用力也

又必大錄

己所不欲勿施於人亦是大綱說如富壽康

寧人之所欲歿亡貧苦人之所惡所欲者必以同於人所惡者不以加於人

又璘錄

問如以荆罰加人豈其人之所欲曰伊川云恕

字須兼忠字說忠盡己也盡己而後爲恕以荆罰加人其人實有辜其心亦自以爲當然故以荆加之而非彌之以所不欲也其不欲被荆者乃其外面之私

心若其眞小旣已犯臯亦自知其當荆矣今人不理會忠而徃爲恕其樊祇是姑息不能盡己故泛然亦不責人遂至於彼此皆自恕而已

又錄惟克己復禮是截然分別天理人欲是則行之非則太之敬恕則是係眷在此未能係其喪人欲若久之係眷得至亦全是天理矣

又錄洽問克己復禮者乾道莊敬持守者坤道如何分別曰乾道奮發而有爲如庸言之信庸行之謹閑邪存誠之類是也忠信所以進德修辭立其誠所以居業坤道靜重而持守如敬以直內義以方外之類是也觀夫子告二子氣象各有所類

袁蒙齋曰禮器曰一獻之禮不足以大饗大饗之禮



不足以大旅大旅具矣不足以饗帝夫大祭之禮至於饗帝則無以復加此可以觀禮矣仲尼燕居曰兩君相見揖讓而入門入門而縣興揖讓而升堂升堂而樂闋下管象武夏箏序興陳其薦俎序其禮樂備其百官如此而後君子知仁焉夫大賓之禮至於兩君相見則無以復加此又可以觀禮矣此章所謂大祭大賓皆禮之盛也一出門之間而儼然如見大賓一使民之際而肅然如承大祭當是之時此心之清明靜瑩爲何如哉故曰如此而後君子知仁焉而春秋左氏傳載曰季之言亦曰出門如賓使民如祭仁之則也由是言之仁禮本一源禮在是仁卽在是矣而人之所以不能動合乎禮者何也有我之私累之

也通人已爲一則己之所不欲人亦不欲也非人之所欲者斷斷乎不可施於人如是則此心洞然大公了無間隔施之於家邦而又何怨之有然則勿施不欲卽克己之謂大祭大賓卽復禮之謂而邦家喪怨卽所謂天下歸仁夫子之告仲弓卽其告顏子之旨也

魏鶴山

了翁

曰孔門說仁處大抵多有敬意四勿二

如之類是也左傳敬德之聚此義極精聖學不傳人多以擎跽拳曲正坐拱默之類爲敬周程所謂主一喪適之謂敬方得聖賢本旨如謂敬而未仁是以世俗之謬爲恭謹者爲敬蓋敬則仁矣敬而未仁亦未得爲敬

王魯齋曰敬以持己私意盡所容於內有以存其心之德恕以及物私意盡所行於外有以推其愛之理胡敬齋曰敬則心之體立恕則心之用行爲仁之功莫切於此

孫夏峰曰聖人論仁俱從應用處操存此心出門使民以至人己家邦處處與天下相操人情物理上透不過畢竟功夫有漏六句非一片小心是一片真心能行於天下爲仁

王船山曰仁者心之全體也卽心之大用也立其體而以一心蒞天下曰敬達諸用而會天下於一心者曰恕敬非因事加謹而以盡怠荒於事之謂也物有公來而天理之儼然在躬者境盡紛寂而一致事有

大小而天理之森然在焉者物無輕重而同幾以見  
大賓忠之其莊肅而不敢肆賓使之然也出門未有  
酬我以揖讓者而恆不失吾見賓時之悚惕乃以見  
威儀吾所固有而動止皆有不可踰之閑以承大祭  
思之其誠恪而不敢貳祭使之然也使民非其恍我  
以明威者而恆不失吾承祭時之穆皇乃以見忱惓  
吾所固有而愚賤皆有不可欺之素斯以爲敬仁者  
之敬所由異於卽事之加虔也恕非於物求情而以  
矜容其不逮之謂也人有所欲吾無以知之而反勘  
之以所不欲則心爲之惻惕人有所不欲吾抑無以  
知之而內省以己所不欲則心爲之明通今卽己所  
不欲者思之悚然於身心交困之不能安則不忍之

情卽因是以勃興而逆施之心以止暘然於物我各得之垂所彊則垂私之理原垂礙乎竝育而平施之道以宜斯以爲恕仁者之恕所由異於怙恩而加物也

又曰言出門則統乎未出門言使民則該乎使民之外此與垂眾寡垂小大一意聖人是揀極易忍者言之以見心法之密見賓承祭方是常情加謹之地出門之外有大廷廣眾順逆不一之境推致於雖之夷狄使民之上有入事父兄出事公卿垂阻待敬待愛之人則此所舉者極乎境之靜事之微而言也謹微慎獨該括廣大

朱柏廬曰程子曰出門如見大賓使民如承大祭充

之則睥面盎背可見仁義禮智梃於心須是敬敬德之聚也

張楊園曰顏子合下自是恭敬曾子合下自是誠實故夫子爲顏曾言未嘗及此與仲弓子路樊遲子張言卽諄諄於主忠信如見賓承祭之類蓋非此垂以爲立德進學之基也今人偁顏子好提喟然一歎偁曾子好提一貫之唯豈非自供其學禪乎

李厚菴曰顏子資高而學到故夫子直以克己復禮告之其閒誠明兩進敬義交立顏子自能喻之仲弓未如顏子故分段詳說見賓承祭是主敬是存誠不欲勿施是從義是行恕由此而進之與克己復禮同歸然而言之詳略異矣

楊賓實曰出門如見二句是主敬持養以存誠己所不欲二句是省察克治以謹幾此學問大頭腦

何義門曰出門使民時能敬則未出門使民時自無不敬所謂涵養功夫也但學者須從出門使民時著力方有實地據爲功夫下手處仲弓所爲請事斯語也

潘彥輔曰求仁者求不忍之心也不忍之心或昏而不見則必先從不敢之心入出門如見大賓使民如承大祭不敢之至也而不忍之心以全故禮者仁之形也學者終日求仁人心道心體驗微茫知有禮而仁之形體以見出門使民二語守禮以致敬而已矣而惻怛慈愛之心乃盎然而不可遏焉此所以雅言

執禮罕言仁而仁自在其中也

司馬牛問仁子曰仁者其言也訥曰其言也訥斯謂之仁矣乎子曰爲之難言之得喪訥乎

朱子語類

時舉錄

仁者心常醒見事便知要做得合道

理不可輕易便是知爲之難故不敢輕言若不仁之人心常如睡不見事理便敢輕說

又

明倫錄

仁者之人言自然訥在學仁者則當謹言語

以操持此心如今人輕易言語者是其心不在奔馳四出如何有仁

又

端蒙錄

學者千章萬句祇是理會一心仁者其言也

訥察其言便可知其本心之存與不存天理人欲之

勝負



許白雲曰言詗是行仁之一端緊要在爲之難言爲行裏人若易其言則所行必不能盡理

高景逸曰此難字非謂天下事難做故言不輕出聖人看天下事喪一是我能者看君子躬行之事喪一是有於我者其難其慎爲亦如此言亦如此輕浮恣肆之意融化喪存厚重凝密之體造次不失此卽是仁

鹿伯順曰其言也詗牛祇當詗言看傻小夫子點出爲之難三字則言有所以言詗有所以詗千古神聖亦祇爲之難盡之豈緘默之可倫也

又曰子臣弟友爲之著落有餘不足難之境界不敢不勉不敢盡爲之難而言自詗之本相

李厚菴曰告牛者雖又與顏升殊而理則不異蓋常  
存乎難之心者敬也必力行乎難之事者義也常存  
乎難之心則檢身不及而喪易由言矣必力行乎難  
之事則恥躬不逮而言之不出矣

司馬牛問君子子曰君子不憂不懼曰不憂不懼所謂  
之君子矣乎子曰內省不疚夫何憂何懼

朱子語類

可學錄

須觀所以不憂不懼由內省不疚又  
須觀所以內省不疚如何得來

朱子文集

答余堯孫

有憂有懼者內有所歉也自省其內  
而喪所病則心廣體胖而何憂何懼之有

輔漢卿曰於吾之德少有疵病則不免於憂懼矣憂  
是氣索懼是氣歉內省不疚何憂何懼與孟子集義

生浩然之氣意同

孫夏峰曰憂從中來懼自外至總之皆因有疚卽彊爲鎮定而神不恬氣先靡矣內省不疚者中庸之無惡也大學之自慊也此是聖學

潘彥輔曰內省不疚由於爲己若爲人而不爲己則是喪志之人喪志之人喪處喪媿忙

陸稼書曰此夫子知牛在憂患中而示以處憂患之道雖未指其事而言之而其教之也至矣內省不疚一語意味淡長朱子以平日所爲喪媿於心補夫子言外之意又當思平日所爲何以能喪媿於心必也如顏子之克己孟子之集義眞積力久一私不存事事合義其度幾乎想此時司馬牛事勢已危急然祇

是自反事事從天理上行尚可救得卽不然亦於心  
喪魏若爲憂懼所擾不但累心勢必立腳不住病痛  
不可言矣古人處事變祇有此一條路竝喪別恣  
司馬牛憂曰人皆有兄弟我獨亡子夏曰商聞之矣死  
生有命富貴在天君子敬而喪失與人恭而有禮四海  
之內皆兄弟也君子何患乎喪兄弟也

蔡虛齋曰死生有命富貴在天子夏述此祇在天命  
二字言牛之有兄弟喪兄弟亦天命也何必憂固非  
牛憂桓魋之將死而子夏言死生有命以寬之也  
趙格菴曰若安於命而不修己是有命而喪義聽乎  
天而不盡乎人矣

輔漢卿曰持己以敬而喪喪開斷仁也接人以恭而

各有節文禮也仁者愛人故人常愛之有禮者敬人故人常敬之此所以如兄弟也

饒雙峰曰敬在心恭在容敬易能喪失爲難閒斷則失矣恭易能有禮爲難有節文是致恭又能中節如足恭則恭而喪禮矣

潘彥輔曰敬而喪失論語言之然則敬尙有失乎曰敬是居其行非義不可喪失者言敬以包義

孫夏峰曰天地閒祇有理數二字君子以數聽之天以理盡之已然必盡其在己方聽其在天

又曰善處兄弟之閒者常帶一二分寬處而後感格變化始有其機看四海皆爲兄弟則自予以寬然後予人以寬不至徑路偏窄使人喪餘地以自容也

張楊園曰君子之遇橫逆祇是誠心愛敬喪它恣也怨天尤人非自反之道消變之方舜之處弟憂亦憂喜亦喜不藏怒不宿怨而司馬牛於桓魋之變夫子教之內省不疚而已子夏進之敬而喪失恭而有禮而已聖賢之道由今人視之似爲喪策不知喪策之策策之上也

王已山曰君子敬而喪失四句間說所以廣牛之意也末句仍收合自己兄弟見疏者可感豈親者反不可格君子但患不能敬而喪失恭而有禮何患乎喪兄弟乃正對管節我獨亡之憂而責以修其在我

用語謹案語類安卿錄云子夏要開廣司馬牛之意祇不合下皆兄弟字便成喪差等益

朱子以末句連上二句意說下故議之如此  
王氏此說於文義甚協且無流於兼愛之弊  
不必謂子夏之言意圓語滯矣

方氏

觀旭

曰牛之兄弟不獨向魑左氏哀十四季傳

宋景公將討桓魋司馬子仲曰不得左師不可注左  
師向魑兄向巢也又子頤聘而告桓司馬注子頤桓  
魋弟又司馬欲入子車止之注車亦魋弟又司馬牛  
致其邑與珪焉而適齊注牛桓魋弟也據此則向巢  
諸人竝是牛之兄弟觀傳記左師每食擊鐘汰侈可  
見迨受命伐魋不克遂欲質大夫以入而卒入曹與  
魋合子頤子車蚤與魋爲黨一族之中戾氣發徧惟  
牛淒然孤立牛獨亡兄弟之憂似發於向巢向魋出

奔之後蓋魑等叛迹未彰牛亦未能不以之爲兄弟  
隱憂雖淡何能舉以告人卽子夏慰解之辭斷不當  
其兄弟喪故之日而反泛引四海皆兄弟之語以相  
曉因悟夫子率於向魑作亂之後二季商間之矣之  
言亦是夫子沒後語如檀弓曾子曰問之矣之類  
子張問明子曰漫濶之譖膚受之愬不行焉可謂明也  
已矣漫濶之譖膚受之愬不行焉可謂遠也已矣

朱子語類

錄

問明而遠是見得到否曰是明字說不

足又添遠字贊之

朱子論語或問譖爲毀人之行愬爲伸己之冤若事  
本非實而譖者遽然極言其事愬者泛然不切於身  
則亦不足以惑人矣故以此二者之相爲反對而互



言之見其事變之不同而明無不照也

黃勉齋曰集注所謂遠特指明之遠而言蓋不爲目  
弄之言所惑而深究乎人心之微此所以爲遠

林次崖曰明遠是就其不行處見人所以不行處本  
於居敬窮理居敬則心有所把持而難動窮理則人  
情曲折皆在所照而不可惑

宋羽皇 鳳翔曰家庭邦國無處不有譖愬同室相鬪

骨肉參商皆此輩爲之非設爲之辭也

陸稼書曰此章與子張論明謂祇在人情物理上能  
精細便是明便是明之遠不必遠求大抵好高之人  
往往窮極於天地古今之遠而失之於人情物理之  
近自以爲明其暗已甚不知明者是非邪正不惑而

已而是非邪正之淆於譖愬者最多二者行天下日以多事究竟非二者之過而使之行者之過我胸中未有主張故投之而易入激之而易動果能養得定見得透是非邪正洞然於我心彼二者之術雖工自慙閒而可入慙隙而可乘此所謂不逆詎不億不信而先覺者也必平日居敬窮理之功至精至密方能有此定識定力到此地位豈不是明豈不是明之遠若於此看不破立不定任其顛倒縱使明乎天地之理達於古今之故非徒慙益而我之才識皆爲彼之所用才愈高識愈多爲病愈甚不可謂明何論遠乎汪雙池曰夫子言此正使之患所以能不行之故而有得也又恐人情切近墜以厭好高者之心故又申

說加一遠字蓋不蔽於近則已垂幽不燭垂遠不至  
譬如日月之照何遠如之若有心求遠則以心逐物  
照遠遺近照此遺彼不能遠矣蓋從心體用功則明  
自能遠以心逐物則近者先蔽好高何當也

子貢問政子曰足食足兵民信之矣子貢曰必不得已  
而去於斯三者何先曰去兵子貢曰必不得已而去於  
斯二者何先曰去食自古皆有死民無信不立

朱子論語或問制其田里薄其賦斂使民有常產而  
不失其時則倉廩實而足食矣比其什伍時其簡教  
使民有勇而知方則戒備飭而足於兵矣有是二者  
則民以信事其上而無欺詭離叛之心所謂民信之  
者也曰然則兵之可去何也曰食足而民信則民親

其上成其長如子弟之衛父兄手足之捍頭目可使  
制挺以撻秦楚之堅甲利兵矣故必不得已而去則  
兵或可蹙也曰會之可去何也曰以序言之則會爲  
先以理言之則信爲重蓋死生常理人之所必不免  
者若民喪信則失其所以爲民者而喪以立乎天地  
之間是以必有以使民寧喪會以死而不失其尊君  
親上之心則其政之所以得民心而善民俗者可得  
而言矣

朱子語類

安卿錄

問民喪信不立是民自不立是國不

可立曰是民自不立民不立則國亦不能以立矣問  
民如何是不立曰有信則相守而死喪信則相欺相  
詭臣棄其君子棄其父

黃勉齋曰夫子初荅爲政之先後也再問復告義理之輕重也所謂民信至此而後民有以全其信也非謂至是而後方施信於民也然則教民以信其可一日緩乎

金仁山曰夫以次第言則三以事理言則一民之信之雖在足食足兵之後而施信於民卽在足食足兵之中天下豈有舍信而能足食足兵者子貢之智固知信之重與兵食竝而未知信之重於兵食故再三問之以究其極初言民信雖因兵食而後固未言民信則舍兵食而獨存蓋信之效固因兵食而行信之理則先兵食而有使一日而喪此理則不相係固而人道絕矣聖人視天下存亡生皆是常事惟是理

不可一日泯苟爲喪信雖有食有兵且不相爲用況  
喪食喪兵之際其不爲鳥驚獸駭相戕相噬者幾希  
矣有國家者所當深思也

崔東壁曰夫子告仲弓者爲長官之要圖告子貢者  
治一國之正務民非養則不能教殍命稷先於命契  
孔子告冉有亦先富而後教故以足食先之然當春  
秋之世列國兵爭疆場頻驚民不得安其居非有以  
自固不可文王四友所以必兼有禦侮也故以足兵  
次之然足食足兵皆爲教民之地非若戰國諸侯徒  
以富國彊兵爲得計也兵食足而不知信何以異於  
禽獸故歸之於民信而政始成三者皆備治國之事  
全矣而子貢復問者欲分別其輕重故也以公兵公

食告之然後知足食足兵皆所以開敷教之先不如  
是不可以爲王道

顧亭林曰乃積乃倉乃裹餼糧于橐于囊國所以足  
食而不待幽士之行也備乃弓矢鍛乃戈矛礪乃鋒  
刃喪敢不善國所以足兵而不待淮夷之役也苟其  
事變之來而有所不及備則褻鉏白梃可以爲兵而  
不可闕食以修兵矣糠覈艸杷可以爲食而不可棄  
信以求食矣古之人有至於張空拳羅雀鼠而民喪  
貳志者非上之信有以結其心乎此又權於緩急輕  
重之間而爲不得已之計也明此義則國君歿社稷  
大夫歿宗廟至於輿臺牧圉之賤莫不親其上歿其  
長所謂聖人有金城者比物此志也豈非爲政之要

道乎

用誥謹案顧亭林云古之言兵皆指器不指人言說固有本然不如集註之武備修兼車馬器械簡閱訓練而五兵亦在內汪雙池曰公兵者緩圖之意省其車馬器械止其蒐苗獮狩休息民力節省國用以使民得專於務食也周理衷曰如魯爲齊難而佗耶甲此益兵也反是而減其卒乘緩其徵發卽公兵也得其旨矣

李恕谷曰如韓信驅市人以戰非素拊循士卒是謂公兵張巡枵腹致死而守睢陽是謂公食蓋會足信乎雖空拳持挺可使撻堅君民一心雖羅雀掘鼠可



與圖存如其喪信則子棄其父臣倍其君喪喪日矣  
何立之有聖人論政圖安則喪危盡常則弭變至於  
安危常變而皆有道以處之非子貢之智何以發焉  
王已山曰國家爲政台下總是爲民信者民之所恃  
以立苟喪信何有民苟喪民何有國足食足兵固爲  
民計卽太兵太會亦爲民計此正自古聖賢扶危大  
手算佗腐頭巾呆語看

焦廣期曰子貢知信爲尤重未能淺見其所以然故  
一再問之夫子斲之曰自古皆有死民喪信不立然  
後知不因死生存亡而稍有回徨不沒之志非聖人  
不能言之如此直截也伯夷叔齊相讓而逃不因有  
中子故得罔全及孟子與桃應論舜事正是一理可

以參觀所謂天下垂難處之事者正以眾人利害私見略盡足以牽擾之故也

陳幾亭

龍正

曰由也果於天下事喪一不喜其大全

故問君子則以爲未盡於修己問政則以爲未盡於先勞賜也達於天下事喪一不思其究竟故問士則必窮其次問政則必窮其所公尋常視之似子貢之志卑矣然實不卑

棘子成曰君子質而已矣何以文爲子貢曰惜乎夫子之說君子也駟不及舌文猶質也質猶文也虎豹之鞞猶犬羊之鞞

朱子論語或問或問棘子成之言與夫子之荅林放何異而子貢非之若是邪曰夫子之言權衡審密而

辭氣和平蓋未始以文爲可盡也若子成則辭氣  
矯激而取舍則過中矣其流之弊將必至於棄禮滅  
法如西晉君子之爲者故子貢惜其言之失而力正  
之也

朱子語類

明倫錄

棘子成全說質固未盡善子貢全說

文以矯子成又錯若虎皮羊皮雖除去毛畢竟自別  
使一君子與一屠販之人相對坐竝不以文見畢竟  
好惡自別大率固不可棄文亦當以質爲本

黃薇香曰老子言禮者忠信之薄而亂之皆棘子成  
正同此意以用也爲語助辭下篇亦奚以爲何以伐  
爲喪以爲也皆同

王船山曰子貢之言文猶質也質猶文也自喪病病

在虎豹之鞞猶犬羊之鞞二語質之爲義以商尙質  
忠之質與文都是忠敬做出者質是一色文是異色  
質是實實中用者文是分外好看者所以君子忠敬  
之心或可云野人得而同之而君子之質則已大異  
於小人之質矣故朱子曰虎皮羊皮雖除去毛畢竟  
自別虎之所以爲虎羊之所以爲羊旣不但以毛別  
且亦不但以皮別徹底自是分明豈一除去毛便可  
云虎豹猶犬羊哉世儒言文不可離於質此說自通  
抑云質不可離於文則外甚矣離文自有質若去毛  
自有皮也知此則足以知子貢差處其云文猶質也  
質猶文也但說猶固未嘗不可有輕重本末之差若  
云本猶末也末猶本也亦何不可蓋本末之俱有而

不可喪者一也而本自本末自末正自差等分明子貢蓋謂文之以昭此忠敬之華者與質所以將此忠敬之實者以內外本末言之則同爲因物顯志繼起之事而就天下所必有之事而言則同爲忠敬所麗之物是以商之尙質以質之可以盡忠敬亦猶周之尙文以文之可以昭忠敬也如此說更有何弊特質如皮文如毛忠敬如虎之所以爲虎羊之所以爲羊以本末言之則忠敬爲主質近內而文近外質可生文而文不能生質則同此一虎豹毛原不害於皮但須有皮而後有毛同此一君子文原非以賊質但須既盡其質而後聽生其文別以質固可又別以文別以文非遂喪別以質不得竟以質而喪文者爲同於

犬羊目

汪雙池曰質重文輕非三分文七分質之說是人須以質爲本文特以行之曰文或可少而質不可喪文不可過而質則必欲其全也

哀公問於有若曰季饑用不足如之何有若對曰盍徹乎曰二吾猶不足如之何其徹也對曰百姓足君孰與不足百姓不足君孰與足

朱子論語或問或問洪氏以爲哀公之不足非不足也什取其二不歸於公室而歸於三家也其說如何曰以春秋傳攷之是亦然矣曰然則雖徹而何補於哀公之不足耶曰徹法行則自一夫百畝等而上之士大夫卿皆有差等以至於君什卿祿之制皆可以

次第而舉蓋不惟野人之井地均而君子之穀祿亦平矣

許白雲曰季饑用不足金先生謂剛下問者是也蓋哀公固以用不足將加賦爲問然季饑則不可加賦用不足又不可不加賦曰如之何者使於二者處之當也有若對曰益徹則極本竊源之論也蓋當時三家擅國而魯君喪民雖賦什二而不入於公室私家富而公室貧徹法果行則民之田賦既有定制等而上之士大夫卿君各有定分而公室所入者多矣制既定則量入爲出一舉先王之制行之安有用不足之理救民之困濟國之貧喪過於此哀公不悟其意反以賦少爲言故再對專告之不可加賦而已

鹿伯順曰哀公如再問行微之訟必以節用告矣言微字時已隱然見先公會以此足用不反其本純議增加至民不聊生事不可言

姚惜抱曰孔子之告哀公曰古之君子卽安其居節醜其衣服卑其宮室車不雕幾器不刻鏤食不貳味以與民同利又曰仁人不過乎物以孔子所諷推之哀公者多欲奢縱而不恤民之君也故曰今之君子求實喪獸夫人君之德必在恭儉愛人而況其於饑歲乎公曰季饑用不足有若曰益微乎言人主之職求足民而已足民必薄征薄征必先儉己苟第欲足己而已則求實喪獸二猶不足雖過二終喪足時也苟欲足民而已菲飲食惡衣服卑宮室夫何不足之



有故曰百姓足君孰與不足與猶謂也周人語多如此國語召穆公曰其與能幾何言王自謂能弭謗然可謂能幾何邪襄二十九年傳裨諶曰是盟也其與幾何昭十七年傳梓慎曰其與不然乎解竝同之有若言百姓足卽當謂之君足君用小乏亦不害其可謂足也故注云君民一體也

黃薇香曰注言節用言穀祿平或問言行徹則稅不入三家皆足國之道也然注言君民一體是經之本旨也國以民爲本民業廢而國用亦耗論其極府庫有悖出之慮有子勸行徹法絕豪家之僥占復浮戶之逋亡墜曠土喪游民以此收人心以此立國本爲百姓者常則築場納稼之餘閒獻豸私穢躋堂頌壽

而正供罔缺公旬必赴不待言矣變則相友相助之  
眾出以應敵其糗糧芻茭初喪後世欺隱之私矣國  
勢日彊外患自息悉索敝賦以資敵國者可一切省  
矣國有九年六年之蓄而凶荒喪憂則臨時補苴之  
費又省矣民足而國自足有子之爲國用謀者得其  
本也陸敬輿奏議引此節而申之曰君養人以成國  
人戴君以成生上下相成事如一體古稱九年六年  
之蓄者蓋率土臣民通爲之計巨固非獨豐公庾不  
及編氓

又曰集解鄭曰周法什一而稅謂之徹徹通也爲天  
下之通法也案皇邠二疏以畿內用貢而稅有重輕  
什一爲邦國法又以諸侯郊外郊內其法不同據攷

工記匠人注也匠人注以畿內亦有貢有助鄉遂及采邑用貢都鄙用助皇邦二疏未及引此總核鄭君之注當云畿內邦國各兼貢助二法以通之而均之什一而稅是爲徹也詩云雨我公田春秋宣公十五年初稅畝左傳云穀出不過藉穀梁傳云古者什一藉而不稅私田稼不善則非吏公田稼不善則非民孟子言井九百畝中爲公田諸言藉言公田謂偕民力以耕公田是周用助法助本八家同井而先王量地制宜凡不可井者不立公田之法其取民之制近於夏時之貢小司徃言攷夫屋旅師言聚野之勸粟屋粟諸言屋者夫三爲屋屋三爲井出貢者三三相任是周用貢法助法八家各耕私田百畝各出其力

以耕公田百畝其粟卽旅師所謂糲粟貢法不僭民  
力以耕公田家耕百畝取十畝之粟以爲稅而其出  
稅以三三相任卽旅師所謂屋粟二法相通均之什  
一而稅以是爲徹正與經傳合矣但不得泥分畿內  
邦國又於畿內分鄉遂及都鄙於邦國分郊外郊內  
耳孟子云請野九一而助國中什一使自賦是因當  
日滕之形勢斟酌爲此非各國之貢助皆以郊內郊  
外爲分也周之制可畫井者爲助法不可畫井者用  
貢法助者收諸公田豐儉隨年貢者有司稼巡觀以  
年之上下出斂法亦非校數歲之中以爲常貢者耕  
百畝除十畝之稅而得九十畝之獲助者得百畝之  
獲而出合耕公田十二畝半之資力凡耕田百十二

畝有畸民之贏縮本自喪多當時貢助合行立法以變通之俾喪多寡之分所取均是十一如周官鄉大夫國中與野征役復除之分早晚亦有變通法以均之也蓋徹法本如此後漢書陸康傳曰徹者通也言其法度可通萬世而行也式三謂徹之法上通夏商貢助之法以爲天下之通法俾萬世可以通行陸康傳鄭君注義皆是也

徐新田

卷原

曰徹喪公田於私田之中十取其一是

私田卽公田也故謂之徹徹者通也言喪公私之別也助有公田藉民力以耕之故謂之助助者藉也藉則有公私之別矣三代之取於民也其名有三而其制惟二曰井田曰溝洫而已井田有公田溝洫喪公

田何則九夫爲井一井之中有居中者有在外者有  
中外卽有尊卑此井田之所以有公田也若溝洫則  
十夫竝列垂尊卑之殊雖欲爲公田而不可得孟子  
曰惟助爲有公田然則助者井田之法也貢與徹溝  
洫之法也夫井田始於黃帝三代相繼井田與溝洫  
蓋各因其制之所宜而竝行之未嘗偏廢但一王之  
興必有所改易以示不相沿襲曰貢曰助曰徹或主  
井田或主溝洫聊異其名以成一代之制而已譬之  
三統迭建而甘誓曰怠棄三正豳風曰七月流火是  
夏未嘗廢子丑之正周未嘗廢建寅之正也惟田亦  
然夏小正曰初服於公田由此觀之雖夏亦助也孟  
子以爲惟助有公田貢與徹俱喪公田徹喪公田而

周詩有雨我公田之語是周於徹法之外兼行助法可知

王船山曰集注之言徹法在論語則以爲同溝其井之人通力合作計畝均分在孟子奔則以鄉遂用貢法都鄙用助法耕則通力而作收則計畝而分故謂之徹後則以爲九一而助爲公田而行助法也什而自賦其一用貢法也周所謂徹法蓋如此以實求之孟子集注之後說較長而論語注合作均收之說則事理之所必盡者也後世而欲知三代之制既經秦火已盡可攷若周之徹法自論語孟子二經而外它不多見要與貢助同言賦稅之法非言民間之農政也鄭氏攷工記注云以載師職及司馬法論之周制

畿內用夏之貢，治稅夫墾公田。以詩春秋論語孟子論之，周制邦國用殷之助，治制公田不稅夫。又曰：諸侯謂之徹者，通其率以什一爲正。孟子云：野九夫而稅一國中，什一是邦國亦異。外內之治，自尋鄭意，蓋以畿內與邦國皆內貢，外助。此處鄭未言畿內之都鄙用助，治以地官注推之。貢助之名有九，一什一之別。其實則通內外皆什一。外稅一是通治也。故論語注曰：徹通也。爲天下之通治。詩箋曰：什一而稅，謂之徹。則孟子集注後說，塙有所本。而論語注則朱子以意推測者也。

用誥謹案：朱子通力合作計畝均分之說，後儒多不從之。王船山全遵康成、黃氏、徐氏言，所以名徹之義，雖小有不同，然大致亦依鄭。



朱子語類卷之二十一  
注趙岐注孟子云耕百畝者徹取十畝以爲  
賦徐氏謂徹墾公田於私田之中十取其一

義蓋本此

子張問崇德辨惑子曰主忠信徙義崇德也愛之欲其  
生惡之欲其死既欲其生又欲其死是惑也

朱子論語或問主忠信則其徙義也有地而可據能  
徙義則其主忠信也有用而日新內外本末交相培  
養此德之所以日積而益高也溺於愛惡之私而以  
彼之生死定分爲可以隨己之所欲且又不能自定  
而一生一死交戰於胸中虛用其力於所不能必之  
地而實墮所損益於彼也可不謂之惑乎

朱子語類

錄主忠信且先有本領方徙義如此德便

崇若不先主忠信卽空矣徒太何處如何能崇主忠信而不徒義卻又固執

王船山曰忠信是德主忠信是崇德義是德徒義是崇德不尙機權而立其誠不守聞見而必揆夫宜則所崇皆德誠日敗而義日富則能崇其德心極忠信而行垂不宜則其德崇矣

張楊園曰崇德修慝辨惑分之則三實則一也德進則慝自消太慝則德益進損益之義也主忠信所以進德徙義便有修慝之意著緊功夫又在辨惑惑之不辨慝將日淡雖欲修而不知所以修害德滋大故衡量三者辨惑似輕學者用功辨惑爲首

又曰惑之大者在忿慾懲忿窒慾是修慝事將用懲

室之功在辨之於早子張樊遲皆舉以問想夫子平日舉示學者切實爲己功夫在此

陸稼書曰管人云進思盡忠退思補過此與主忠信徒義之意同吾人存一至誠匪僞之心進而有爲可謂忠矣然其閒輕重緩急過差而不合於義者儘多故進思盡忠者必退思補過主忠信者必徒義

楊賓實曰主忠信徒義以忠信之心徒義也非有二時修德講學徒義亦然易言敬義亦謂主敬以精義

集義

誠不以富亦祇以異

齊景公問政於孔子孔子對曰君君臣臣父父子子公曰善哉信如君不君臣不臣父不父子不子雖有粟吾

得而會諸

汪雙池曰政以正倫爲本此千古不易之理夫子告哀公曰修身以道論衛事曰必也正名非徒以對景公也而在景公則可以淡長思矣聖人言近指遠大都如此

子曰片言可以折獄者其由也與子路垂宿諾

黃勉齋曰人惟忠信也不惟可以通天下之務而又可以釋天下之疑苟垂忠信誠懇之心以蒞之則吾心膠擾昏惑既垂以察人之情僞吾以詭御彼彼亦以詭應之又安能片言而服人哉故片言折獄而實之以垂宿諾也

蔡覺軒曰忠信所以立於中明淩足以昭乎外忠信

則人不忍欺明洩則人不能欺

孫夏峰曰片言能服人蓋由平時喪片言之欺人也子路之果由來素矣故干桀之國不信其盟而信子路之一言

汪雙池曰此偁子路有服人之德非偁子路有斷獄之才也鉤距以致民隱則非聖門所尙矣喪宿諾亦平日忠信明洩之一端也

子曰聽訟吾猶人也必也使喪訟乎

王船山曰盡其養之之理而人可以自得而喪求正其教之之道而人皆有恥心以自閑而且德修於不言不動之地以成乎興仁興讓之風則不待禁止其爭而民志自喪斯古之帝王所以化民成俗而盡元

后父母之道者也夫子所期者在是故輕荆名而崇德教蓋有志焉而何暇與今之從政者較得失哉

子張問政子曰居之喪倦行之以忠

朱子語類

時舉錄

居之喪倦是要此心長在不可放倒

便事事都應得去行之以忠是事事要著實故集注云以忠則衰喪如一

黃勉齋曰居之喪倦則心常在事而思喪不周行之以忠則事本於心而用喪不盡二者爲政之大要有志於及物者當以是爲法則雖不中不遠矣

馮厚齋曰子路勇於有行慮其不能繼也子張多浮少實易於始勤終怠故竭兩端而告之大抵倦最害事不倦雖一日萬幾可也倦則居家事亦不理矣堯

卷之十二  
王制  
倦於勤遂遜於舜爲此也

子曰博學於文約之以禮亦可以弗畔矣夫

子曰君子成人之美不成人之惡小人反是

孫夏峰曰君子常欲以有餘者及人小人每至以不足者忌物故美者君子所有而小人所喪也一成一不成各自肖其本心

季康子問政於孔子孔子對曰政者正也子帥以正孰敢不正

吳可堂曰書曰褒正萬邦上者褒也下者影也褒正則影正矣政之義喪切於此論語記季康子問政者二章問患盜使民各一章夫子荅之如一皆使之反躬自治而已蓋道理不越如是亦不特告康子爲然

也

季康子患盜問於孔子孔子對曰苟子之不欲雖賞之不竊

李二曲曰苟子之不欲雖賞之不竊此撥亂返治之大機救時定世之急務也蓋上不欲則源清本源一清斯流喪不清在在皆清則在在不復妄取敲骨吸髓之風既息疲敝凋瘵之民獲蘇各安其居誰復思亂左傳曰國家之敗由官邪也官之失德寵賂章也近代辛復元亦云仕途賄賂公行所以民間盜賊蜂起從古如斯圖治者尙其鑒於斯

季康子問政於孔子曰如殺喪道以就有道何如孔子對曰子爲政焉用殺子欲善而民善矣君子之德風小



人之德草草上之風必偃

汪雙池曰政刑亦以輔治殺非可廢然所藏乎身不  
恕自不能以喻諸人而從曰殺也康子之心乎虐矣  
欲善則民善依然子帥以正之語而又詳言感應之  
機如此其示之也益深矣

陸稼書曰欲字淡看起念方寸盟心幽獨皆安於天  
理之粹然則意念所到之處卽提醒開悟民心處而  
民自潛化於善矣

子張問士何如斯可謂之達矣子曰何哉爾所謂達者  
子張對曰在邦必聞在家必聞子曰是聞也非達也夫  
達也者質直而好義察言而觀色慮以下人在邦必達  
在家必達夫聞也者色取仁而行違居之不疑在邦必

間在家必間

朱子論語或問或問以達爲所行通達何也曰其在家也事上則獲於上治民則得乎民其在家也父母安其孝兄弟說其友凡吾之見於行者莫不通達而無所繫礙焉斯可以謂之達矣

朱子語類

雜錄

達是退一步者間是近菴一步做者退

一步者卑遜篤實不求人知功夫到自然能達間是近菴一步做惟恐人不知故矜張誇大一時若可喜其實無足取者

又

賀孫錄

質是質實質就性資說直漸就事上說好義

又多在事上直固是一直做去至於好義則事事區處要得其宜此皆詳細收斂功夫色取仁而行違居

之不疑祇是麤謾將公專以大意氣加人此章大意  
不出一名一實

又

時舉錄

察言而觀色是實要做功夫蓋察人之言觀

人之色乃是驗吾言之是與不是今有人自任己意  
說公要不看人之意信受不信受如此則是自高不  
能謙下於人實做功夫也

又

偶錄

質直而好義便有觸突人之意思到察言觀色

慮以下人又和順不至觸突人矣慮謂患之詳審常  
常如此患慮恐有所不覺知也聖人言語如此周徧  
詳密

又

燕錄

問者專務放出外求人知色取仁而行違是不

務實而專務外居之不疑是放出外收斂不得祇得

自擔當不放過此其所以駕虛而垂實行也

許白雲曰質直自是忠實貞信向背行公若不合宜則又不可故須用好義方能進德

王船山曰察言而觀色是聖人見得天理爛漫充塞剛閒處惟此理日充滿流行於天地之間故其幾自不容闕而理以人爲麗幾以人之言與色爲徵祇在此觀察得公則自然極乎人情而順乎天理矣祇集注審於接物四字極妥抑云驗吾言之是與不是亦未當理人之言與色其喜怒從違亦不齊矣未必其喜且從者之爲是而怒且違者之爲非也舍在己之權衡而一聽於人又奚當哉曰察則詳加審辨之謂也曰觀則非常瞻視之謂也卽天下之人因不可揜

之幾沈潛而加警以觀察焉則不特吾之是非可卽  
喜怒從違以知之而凡天下之人情物理其爲公欲  
公惡與或一人之偏好偏惡者無不皎然如黑白之  
在莠則雖凶人匪類言必與惡相取色必與戾相應  
而吉凶善惡誠不可揜之幾亦自此見矣故吾之接  
之者知之必明而處之必當邦家之達不可必哉

用誥謹案此說察言觀色不專主語類證己  
是非之說而於審於接物中尤足見好義精  
微之詣

張楊園曰旣曰質直又曰好義又曰察言觀色慮以  
下人君子求己之功切矣中庸曰失諸正鵠反求諸  
其身孟子曰行有不得反求諸己如此則斯人之從

其不可與處者寡矣

又曰慮以下人則能事事反己自責而於義益精矣  
汪雙池曰義是最嚴之事質直好義則內直外方非  
以圓通爲合宜也察言觀色慮以下人尤好義細密  
處觀於人所以反於己不敢自足於己自不敢多上  
於人也此卽禮以行之孫以出之之意德義人心所  
同故苟有實德則人自畏不信服在邦必達在家必  
達直方大不習喪不利也

樊遲從遊於舞雩之下曰敢問崇德修慝辨惑子曰善  
哉問先事後得非崇德與攻其惡喪攻人之惡非修慝  
與一朝之忿忘其身以及其親非惑與

朱子語類

賀孫

人祇有此一心若一心做事又有一

求得之心。僂於此事不專。如何有積案之功。此條心路。祇一直去。要盡它歧分。剛邊僂不得。

又時舉錄有計較功效之心。僂是專爲利。不復知事之

當爲矣。德者理之得於吾心者也。能知所當爲而喪爲利之心。此意僂高遠爲小利害。討小僂宜此意。患僂卑下。所謂崇者。謂德自此而愈高起也。

又偶錄攻其惡。盡攻人之惡。須是截斷外面。它人過惡。祇自檢點。方能自攻其惡。若檢點它人。於己僂疏心。僂麤矣。

輔漢卿曰。計功爲利之心。一萌則大本已失。易盈。易涸。輕爲輕喜。尙何德之可崇。故必爲所當爲而不計其功。則不亟不徐。循吾理行吾義而已。此所以德日

積而不自知也

許白雲曰攻人之惡心祇散在外況所攻非一人則此心煩擾馳逐喪時得已於己喪益而有損且終流於薄攻其惡則收斂務內揆摘隱微而不善不能相著畱滯此心日以開明而終歸於厚

林次崖曰修慝功夫祇是慎獨

張楊園曰人之惑處多端其易發而難制者莫如忿故就忿而言唯慾亦然一念之慾忘其身以及其親推此七情莫不有之變欲其生惡欲其死凡不能揆之於義理而任已甚之情鮮不爲惑

又曰大學言心不得其正之其所而僻處喪非惑也黃薇香曰惑生於情之蔽荅子張以愛惡言此以忿



言皆緣情之所發也呂伯恭云忘身及親此事昭然  
固不難辨惟忿正起之時最難辨忿而辨之此所謂  
辨惑也許平仲云喜怒哀懼愛惡欲一有動於心則  
氣便不平七者之中惟怒爲難治又偏招患難須於  
盛怒時堅忍不動俟心氣平時審而應之度幾喪失  
忿氣劇炎火焚如從自傷觸來勿與競事過心清  
樊遲問仁子曰愛人問知子曰知人樊遲未達子曰舉  
直錯諸枉能使枉者直樊遲退見子夏曰鄉也吾見於  
夫子而問知子曰舉直錯諸枉能使枉者直何謂也子  
夏曰富哉言乎舜有天下選於眾舉皋陶不仁者遠矣  
湯有天下選於眾舉伊尹不仁者遠矣

朱子語類

時舉錄

愛人知人是仁知之用問聖人說用

則體在其中曰尋用便可以知其體用卽體中流出也

又錄仁知一是慈愛一是辨別各自向一路惟是舉直錯諸枉能使枉者直方見仁知合一處仁內有知知內有仁

胡雲峰曰知人變人分言知仁之用舉直錯諸枉能使枉者直合言知仁之相爲用蓋仁包義禮知仁之中自有知知藏仁義禮知之中自有仁知仁本相爲體用故見於舉錯之際知仁又自相爲體用也

何義門曰樊遲疑二者之相悖以變欲周而知有所擇夫子則示以變之者原不可混然垂所別必慎擇以風示之使感化而同歸於善斯吾仁之施自可垂

所不周目上句固知之事而從愛人生來朱子所謂仁內有知也能使句則所謂知內有仁也

汪雙池曰舉直錯諸枉不特舉錯足以勸懲蓋分人以財謂之惠教人以善謂之忠爲天下得人者謂之仁舉直任賢則賢人之設施其惠養教誨尤無所不至天下可化成矣聖人汲汲於知人則哲豈非爲愛人計也

王船山曰仁知合一之說始於曾吉甫而朱子取之乃程子及和靖所云則不添入此一重意尹氏之言特發程子之意而分貼經文尤爲清切其云不獨欲聞其說者知人愛人之說也云又必欲知其方者舉直錯枉之方也云又必欲爲其事者選眾而舉之事

也子曰愛人曰知人二語極大極簡大則疑淺簡則疑疏太易理會則太難證入故曰有其說而未有其方也今言仁知誠不知仁爲愛人而知爲知人者乃愛人而何以愛之知人而何以知之未得其方則雖日念愛人而人終不被其澤日求知人而人終相惑以相欺此遲所爲疑其但有言說而垂方趣闊大簡略而迷所向也乃愛人則權在我而知人則權在人故曰知人則哲惟帝其難之是以遲之未達於知人而更甚罔然垂措之情遂形於色而子乃授之以方曰舉直錯諸枉能使枉者直苟知是不患知人之垂方矣蓋人之難知不在於賢不肖而在於枉直有枉者起飾惡爲善矯非爲是於是乎欲與辨之而愈爲

所惑今且不問其善惡是非之迹而一以直枉爲斷其直也非可正之以是也陷於惡可使向於善也則舉之也其枉也則雖若是焉若善焉而錯之必也如此而人不相飾以善不相爭於是而不相掩於惡不相匿於非而但相戒以枉枉者直則善者著其善不善者服其不善是者顯其是非者不護其非於以分別善惡是非而不忒又何難哉此所謂知人之方也以此通乎仁之愛人近譬諸己以爲施濟先篤其親以及於民物亦不患愛之喪方矣乃方者事所從入之始功也始之爲方者約而繼之爲事也博故方有未可以該事者以方該事而或流於術此遲之所爲再疑也今使規規然舍賢不肖之迹而一從直與不直

以求之則是操術以淡其察察之明而於御世之大  
權或以纖用而不給於行遠則能使枉者直之效亦  
未必其不爽而子夏之以事徵其必然者旣可以證  
聖言之不虛且舜湯之以治天下道不外是則非一  
曲之方術而知人之大用與其大功通始終包遐邇  
亾不富有於罔言之內則方者卽事而非僅其從入  
之徑故曰然後有以知之則施爲之次第條理爲要  
爲詳統亾不喻故曰包含亾所不盡也曰直曰枉非  
盡乎賢不肖之辭也枉者固不肖而不肖者固不盡  
於枉賢者必直而直非賢之極致乃極而論之則極  
乎賢者亦但極乎直故皋陶伊尹德亦盛矣而要其  
所備之德總以亾所掩冒者爲盛故舉直者必若舉

皋陶伊尹而後爲極致則始以爲方或可於不能賢之中姑取其直而終以大其事則極直之致於蕪不賢之中得其蕪不直要不可謂於舉直之外別有知人之法也此所謂語近不遺遠語遠不舍近者也而後知人之事洵蕪異量則可蕪憂人之不易知以此例之亦可知人之蕪難愛矣

用誥謹案此不從曾氏知以成仁之說而發明外注程子尹氏意解此章語意極爲平正邢疏皇疏亦皆以樊遲未達爲未達知人之說

子貢問友子曰忠告而善道之不可則止毋自辱焉

朱子語類

錄

問與人居視其有過而不告則於心

有所不安告之而人不受則柰何曰與之處而不告其過非忠也要使誠意之交通在於未言之先則言出而人信矣不信誠不至也

朱子論語或問所謂善道云者心平氣和理明意盡或從容渙厚或親切簡當使聞者不忤而樂於聽從之謂也

饒雙峰曰未能忠且善焉而泛然告之道之遽以彼不從而止則在我者猶未盡便欲責人非交友之道也

胡雲峰曰君臣朋友皆以義合故皆惡乎數亦皆曰不可則止善事君者必以道事之而不可則止爾善待朋友者必忠告善道之而不可則止爾未可止而



遠止非忠愛之道也

王己山曰程子謂誠有餘而言不足朱子謂誠意交  
通在未言之先可見忠本不因告而有而告自以忠  
而切須是有忠告之心方用善道內外兼盡盡此忠  
也卽通不可則止始終善全亦全此忠也

曾子曰君子以文會友以友輔仁

袁蒙齋曰聖門所謂文非辭華之謂也夫子曰文王  
既沒文不在茲乎顏淵曰博我以文彝倫之懿粲然  
相接者皆文也三千三百待人以行者皆文也曰文  
者其所著見而仁者其根本也會之以文蓋所以輔  
吾之仁也聖人切切於求仁告顏淵曰爲仁由己今  
曾子取友以爲仁曰輔之雖用力在己而又得良輔

則切磋琢磨之益日增而克己復禮之功亦多助矣  
張楊園曰君子以文會友友須從博文約禮中來  
又曰交朋友取其能補吾所不足若長我所有餘卽  
不免爲損友矣吾與人交亦當相其所不足而輔益  
之如拘謹者則進之以高明闊略者則進之以縝密  
之類若祇據一己之所見而槩施之卽不免有以水  
濟水之失從爲損友喪益也

劉直齋曰文者禮樂法度刑政綱紀之文當時文武  
之道未墜於地識大識小莫不有文武之道焉夫子  
憲章文武教門弟子以此講學以此修德如所謂兩  
君相會揖讓而入門入門而縣興揖讓而升堂升堂  
而樂闋君子於是知仁焉故曰人而不仁如禮何人

而不仁如樂何張子曰禮儀三百威儀三千無一事之非仁也若如近世之文浮靡放漫可爲輔仁之具哉

楊賓實曰二句各有實義而條貫則一講習以明善歸於實踐以誠身資友以析疑解惑卽資友以進善改過事有序而相因也禮記王制樂正崇四術立四教順先王詩書禮樂以造士論語子所雅言詩書執禮及成於樂是卽文之教也學詩樂而期於性情和平學書而期於善政宜民學禮而務於節文得中是卽求仁之事也朋友講明勸勉大約不出乎此

焦廣期曰講學以會友所謂講學者必虛心平意密慮精思相與攷聖賢之成法求事理之當然與所以

然以爲踐行之地此卽所謂學問思辨而仁在其中者也若祇偕講學以會友而惟務誇多鬪靡甚至競爲新奇之說則所以會友之心已墮於放僻邪侈而不自知更何輔仁之可望

論語顏淵第十二

畢